

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum
Referendi modum accommodatæ. Opus Novum

Complectens alteram Decretalium medietatem, videlicet nonaginta duos
Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Decisio CLXXXIII. De Sacerdote, qui tempore Bacchanalium larvatus
incessit, propter exercitam perulantiam egregiè dedolato à quodam Cive?

[urn:nbn:de:hbz:466:1-62204](https://nbn-resolving.de/urn:nbn:de:hbz:466:1-62204)

forteōb peccatum grave nondum expiatum absolutionis non capacem, consequenter illicite audiendi, vel, si sequeretur absolutio, hanc dandi invalidē, uti secundūm diēta in præsenti casu certè fuisse invalida, si mortale, nondum expiatum confessione, alla-

tum fuisse. Si autem puella securum fecisset Symptum de non afferendo peccato gravi, vel jam alias confessio, nec illicite nec invalidē egisset audiendo, nisi forsan ex alio capite inordinatio irrepisset inducens peccatum saltem veniale.

TITULUS XXXIX.

De sententia Excommunicationis.

DECISIO CLXXXIII.

De Sacerdote, qui tempore Bacchanalium larvatus incessit, propter exercitam insolentiam egregiè dedolato à quodam cive.

SPECIES FACII.

Ante sat multos jam annos habitaui in quadam urbe, ubi Bacchanalia à petulanti juventute plebeia, & magnam partem rustica, faunorum instar vestita, & indecoris larvis faciem tactā celebrari inconditè solent. Circumcursant turmatim per plateas cum clamoribus variisque subin non satis decentibus corporis gesticulationibus. Huic turbæ juvenis quidam sacerdos, pariter induitus & larvatus, aliquando se junxit, & postquam aliquanto temporecum cæteris per urbis plateas petu-

Ianter, ut reliqui, bacchatus est, re-pente in eōjusdam civis domum irru-pit, & usque ad stabulum vaccarum, ubi civis uxor morabatur pabulandi pecoris causâ, penetrans eam magnâ insolentia, citra impudicitiae gestum tamen, multum divexavit. Tumultum & clamorem audiens maritus accurrit, & apprehenso fuste larvatum hominem adeò validè repetitis iictibus percussit, ut verberum satur, compellente dolore, rogaverit, ut cessaret à verberibus, dictitans se sa- cerdotem esse. Quid aīs? reponit

ex-

exacerbatus & irâ plenus civis, tu sacerdos? iste habitus & hi actus tam petulantes non sacerdotem indicant, lurco es & trifurcifer, nebulo es & tenebrio, homo es nullius frugi & trivialis: quo dicto adhuc duos vel tres iectus validos suo fustuario inflixit, ac dimisit. Postmodum verò resciit, planè sacerdotem fuisse, quem ita dedolaverat, satisque crudeliter, forte suspicatus eum ve le uxori vim inferre. Proxima igitur die Domini-

ca, ubi peragere volebat confessio-
nem Sacramentalem, perquam tri-
stis & mirè anxius ac animô pertur-
batus ob suum factum, præsertim
quod, postquam larvatus dixerat se
esse sacerdotem, denuo percusse-
rit ipsi non credens, sollicitè quæ-
vit ex me, an excommunicatio-
nem propterea incurrit. Quid re-
sponderim patebit ex statim dicendis,
quibus resolvetur hæc

QUÆSTIO.

An iste civis sacerdotem personatum & larvatum ac insolenter uxorem ejus divexantem, graviter percutiens incurrit excommunicationem Canonis?

Caufatimendi, & suspicandi, ex-
communicatum fuisse, non le-
vis videtur esse 1. quod in hoc casu
omnia ad incurrēdām excommuni-
cationem Canonis (sic dictam ob can-
squis suadente. 29. caus. 17. q. 4. qui
sic habet: quis suadente diabolo bujus
sacrilegii reatum incurrit, ut in Cleri-
cum, vel Monachum, violentas ma-
nus injecerit, anathematis vinculo sub-
jaceat: & nullus Episcoporum illum pre-
sumat absolvere &c.) Summo Ponti-
fici reservatam requiruntur à Jure;
scilicet manus violentæ fuerunt injec-
tæ per verberationem satis crudelem

& gravem, suadente diabolo, hoc est,
exira, passione, studio vindictæ &c.
& quidem in Clericum, eumque sa-
cerdotem, qui privilegiò Canonis
gaudet, licet nec beneficium habeat,
neque habitum Clericale deferat,
juxta omnes, modò non sit degra-
datus, vel dimisso habitu non fe-
misceat enormitatibus, v. g. tyran-
nidi, seditionibꝫ, latrocinis, assa-
sinii, vel alio modo privatus à Jure
non sit privilegiò Canonis prædicti:
ergo iste civis tam acerbè persecutien-
do sacerdotem incurrit excommuni-
cationem latè sententia & Pontifici
geler-

reservatam. Nec ipsum excusat prætentia ignorantia, partim quia 2. ipse Canon illimitatè statuit excommunicationem, & casum ignorantiae non excipit, partim quia 3. quilibet posset prætendere ignorantiam, & sic eludere vim hujus Canonis. Partim quia 4. civis adhuc percussit, postquam satis intellexerat, eum, in quem ita seviit, esse sacerdotem. Partim quia 5. ignorantia crassia non excusat ab incursione excommunicationis, per expressum textum in c. fin. de constit. vii 6. partim quia 6. iste civis planè non fuit innocens; sed quod deliquerit contra Jus Naturale, quod prohibet omnem percussiōnem gravem sub peccato gravi, quæ est injuriosa, quæ nimis non sit à Superiori potestate habente, nec ex necessitate ad defensionem: sed iste civis non fuit Superior hujus laruati sacerdotis potestate plectendi præditus, nec percussio tam gravis fuit necessaria ad defensionem vel propriam vel uxoris, cum neutri vim ille intulerit in vita vel membris vel corpore, nec uxoris pudicitia. Jam sic: casu quo Ecclesia aliquid prohibet, etiam sub censura, quod Jure Naturali jam est prohibitum, v. g. futrum, homicidium &c. Stringit quoque Lex Ecclesiastica idem prohibens sub censura. Palao tr. 29. d. 1. pu. 8. n. 11. Hurtad. de Censur. difficult. 23. n. 10. ergo civis iste non fuit innocens, sed deliquit graviter sicut contra Jus Naturale, ita & contra Jus

(R.P. Pickler Decis. T. 2.)

Ecclesiasticum poenale, & excommunicationem statuens: ergo hanc incurrit. Et hinc 7. Si res delata fuisset ad Episcopum, & constitisset de percussione Clerici, licet percutiens allegasset ignorantiam statu Clericalis, fuisset præsumptio contra ipsum, & quodculpa non absuerit, præsertim cum, postquam percussus aperuit se esse sacerdotem, consequenter per sententiam percutiens fuisset declaratus incurrisse excommunicationem, & is pro excommunicato se gerere debuisset. gloss. & DD. in c. 1. b. t. in 6. quia sententia Judicis, iuste, h. e. secundum allegata & probata procedentis, justa est ac valida, ac sententia Pastoris, sive justa, sive iusta fuerit, timenda est. can. I. caus. II. q. 3. ergo etiam jam ante sententiariis, merè declaratoriam, excommunicationem incurrit iste civis percutiens Clericum, & pro excommunicato se gerere debuit; quia declaratio non infert, sed supponit excommunicationem. 8. Qui dubitat, an non percutiat Clericum, & tamen percutit non adhibitâ priùs debitâ diligentia ad cognoscendam veritatem, excommunicationem incurrit, si percussus revera fuit Clericus; quia talis ignorans pro scientie habetur, cum ignorantia sit voluntaria, vincibilis, & culpabilis ac percutiens manifesto periculo se exponat percutiendi Clericum, dubiumque prædicum non excusat. DD. communiter. Barbosa in loc. commun. lit. f.

* Hh

n. 4.

n.4. cum Surdo decis. 265. n.62. Sed iste civis saltem dubitabat, postquam audiit à percusso se sacerdotem esse, an non percutiat Clericum, nec adhibuit diligentiam debitam in veritate inquirenda, quam facilè potuisset cognoscere, nisi passio iræ, quæ utique non excusat, ipsum stimulasset & movisset ad pergendum in verbando: ergo. 9. Si quis agat Judæum in die Parasceves, & Christum personatum, quem scit vel suspicatur esse Clericum, graviter pereat ex odio vel passione iræ, qua flagrat in hunc Clericum est excommunicatus, non obstante, quod hic Clericus in his circumstantiis non representet Clericum exterius eò quod statui Clericali tamen inferatur injuria: ergo etiam iste Civis est excommunicatus, licet Clericus, quem percussit, præsertim postquam suspicari potuit esse Clericum, in his circumstantiis non representaverit Clericum exterius quoad habitum &c.

Verum hæc omnia, licet numerò multa, robore tamen infirma, nullatenus me inducere poterant, quod minus civem hunc, summè anxiū ac satis perturbatum, consolarer, & ab omnipericulo incurvæ excommunicationis liberum pronuntiarem, adeoque securum esse quoad hoc jubarem, saltem pro foro interno; nam quoad externam agnoscet non esse periculum, eò quod nemini

hæc res innotuerit, nisi ipsi sacerdoti percusso, qui metu pœna ab Ordinario infligendæ, & infamie merito credebatur altō silentiō omnia occultaturus. Fundamentum principale, & verè solidum, petitur ex ignorantia facti, cùm scilicet bonus civis hominem larvā & Fauni habitu induitum deprehenderit in stabulo cum uxore sua, petulanter agentem & divexantem ad clamores usque, ac nulla ratione vel suspicari potuerit, sub tam turpi larva ac tali vestitu, quem non nisi infima fœc induere, talésque inconvenientes gestulationes exercere solet, latè sacerdotem; ac, licet verberum satur sacerdotem esse edixerit, id tamen statim credere percutiens non tenebatur, eò quod ipsi incredibile videri potuerit, & re vera visum sit ac propterea non crediderit, cùm externa omnia longè alium referent, & nullum Sacerdotii signum apparuerit. Atqui ex communi Doctorum cum Sanch. l. 9. de Matrim. d. 32. n. 41. Palao tr. 29. d. 3. pu. 23. §. 3. n. 4. & Barbosa in can. si quis suadente cit n. 50. excommunicationis Canonis non incurritur ab eo, qui probabili (necdum certa) ignorantia laborat, seprobabiliter ignorat, Clericum esse, quem, etiam injuriosè & injustè percutit graviter. Idque desumitur clarè ex c. 4. b. t. ubi confutatur ab excommunicatione percusso Clerici comam nutrientis (à fortiori utique laryati ex habitu Bacchanalitio, & ab hone-

honestate vitæ Clericalis alienissimo induit) quia probabiliter ignorare poterat statum Clericalem, & existimare, Clericum non esse vel sacerdotem. Adde, quod nulla censura incurratur ab illo, qui laborat ignorantiæ non crassâ & supinâ Juris vel facti. c. fin. cit. quia censuræ sunt poenæ, quæ contemptum legis Ecclesiastice saltem virtualem requirunt La Croix to. 8. l. 7. n. 47. 93. cum communiorum. Alterum fundamentum minus principale potest esse, quod excusetur ab excommunicatione, qui percutit Clericum turpiter inventum cum uxore &c. percutientis, licet percutiendo forte graviter peccet, quia Jus Canonico partim in detestationem hujusmodi criminis, partim ob difficultatem cohibendi vindictæ impetum noluit talem percussorem poenâ excommunicationis punire. c. 3. v. nec illa b. t. & ibi glossa. Navar. Man. c. 27. n. 84. P. Wiestner b. t. n. 88. cum Molin. Suar. Laym. Engel &c. Sed iste civis hunc sacerdotem inventit cum uxore in loco secreto, segregato, in stabulo, & quamvis tictus, amplexus, oscula &c. non viderit, tamen expetulantia ibi exercita, divexatione, & aggressione uxoris in tali loco secreto & ab hominum aspectu multum remoto haud vana potuit marito oriri suspicio, quod vel præcesserint, aut, si non intervenisseret, secuti fuissent ejusmodi insultus & actus impudicii, atque ipsa uxor timere potuisset, ac probabiliter timuit, quia ita clama-

vit, ut maritus vel alii sibi succurrent; quid enim aliud suspicari licuit de homine taliter bacchante & petulante, ac foeminam in loco solitario aggrediente? sicut enim ad defendendam vitam vel membra vel honorem proprium aut alienum opus vel neceste non est exspectare, donec aggressor primum iustum faciat, vulnus infligat, factio ipso noceat, sed licetum est prævenire ita etiam, quia pejora timeri poterant, licetum fuit prævenire: propter similem causam concedunt Jura forem nocturnum etiam occidere, quia nescitur, an ad prædandum vel etiam ad occidendum ingressus sit domum. c. 3. de homicid. l. 4. ff. ad L. Aquil. l. 9. ff. ad L. Cornel. de Sicar.

Ad contraria sine negotio n. Ad 1. Negando Antec. omnia nempe ad incurrēdam excommunicationem à Jure requisita in hoc casu concurrisse; siquidem non fuit manus injecta in Clericum formaliter, hoc est, cum notitia sufficiens, horinem hunc larvatum Clericum esse, & cum peccato sacrilegii formaliter; nam juxta Canonem si quis suadente expresse requiritur peccatum sacrilegii, & qui dem formale, cum cognitione status Clericalis; alia non percutitur Clericus suadente diabolo, & persona sacra solum materialiter laeditur. Ad 2. satis excipitur casus ignorantiae tum in d. can. sacrilegium formale, tum alibi in Juris textibus peccatum formale & grave in suo genere consummatum requirentibus ad excom-

Hh 2

muni-

municationem incurrendam. Ad 3. Pro foro interno vanè prætenditur ignorantia ab eo, qui, quem percutit vel injuriosè tractat, Clericum esse novit. Pro foro externo frustra prætenditur ignorantia tunc, quando aliunde non redditur verisimilis ignorantia: sed hic utique ignorantia fuit verisimillima; quis enim sub tali larva & veste Clericum latere credat vel suspicetur tantum. Si dubitatur, an percutiens probabiliter ignoraverit, juramento purgatoriō eam probare permittendus foret. Ad 4. Non statim fuit obligatus credere asserenti se esse sacerdotem, cūm habitus, gestus, & externa omnia potius tenebrionem trivalem referrent; & hinc pro foro externo civem non credidisse prælendum foret, & potius metu ulteriorum verberum, quam ex rei veritate, prætensum fuisse statum sacerdotalem; atque ideo fuit althuc verisimilis & saltem probabiliter ignorantia. Pro foro interno non excusarem percutientem, si revera credidisset asserenti, & percutere nihilominus perrexisset: sed civis constanter affirmabat, se in illo æstu iracundiæ rem non satis examinasse, nec credidisse. Ad 5. Non fuit ignorantia crassa statu Clericalis, sed verisimillima, vel certa. Ad 6. N. Ma. vel diff. non fuit innocens, h. e. liber ab orni peccato gravi contra Justitiam, charitatem, vel aliud præceptum Juri Naturalis commissio. transeat Ma. non fuit innocens seu

liber à peccato formalí sacrilegiū, quod ad incurrandam excommunicationem Canonis requiritur, & à culpa gravi contra Legem Ecclesiasticam poenalem quā talem commissa. N. Ma. Licet transmittatur (quod tamen alii negant) Legem Ecclesiasticam stringere ignorantem, qui facit aliquid, jam prohibitum Jure Naturali, non tamen stringit quoad pœnam, præfertim si hæc sit censura, nisi sciatur lex Ecclesiastica hanc pœnam statuens, vel si non tali modo delinquat aliquis contra Jus Naturale, quod modo exigit lex Ecclesiastica ad hoc, ut incurritur pœna: sed lex Ecclesiastica exigit ad hoc, ut incurritur excommunicatione Canonis, *sacrilegium formale*, quale noster civis non commisit, cūm ignoraverit, saltem probabiliter, personam percussam sacram esse. Ad 7. N. Antec. imò & transmissio Antec. Conseq. Alleganti ignorantiam tam probabilem debuisset Episcopus credere, saltem mediante juramento eam asserenti. Dein licet per sententiam iustitiam fuisse declaratum, excommunicationem fuisse incurram, pro foro quidem externo ad vitandum scandalum, atque ut Judici secundum apparentiam justè præcipienti pareatur, debuisset condemnatus se gerere pro excommunicato, pro interno tamen liber fuisse ab omni excommunicatione. Præterea juxta me sententia, licet feratur secundum allegata & probata, non est valida; ad hoc enim

non sufficit justè & servato Juris or-
dine Judicem procedere, sed insuper
necessè est, ut justum decernat aut
præcipiat, ac sententia non funde-
tur in præsumptione falsa & errore
particulari. Sententia declaratoria
supponit excommunicationem verè
vel falso; esto: semper verè: nega-
tur. In cit. can. 1. Gregor. Papa non
dixit, sententiam injustè latam ser-
vandam esse, sed timendam, id est, ex
superbia non contemnendam. Ad
8. transeat Ma. N. Min. vel dist. civis,
an non percutiat Clericum, post-
quam audit esse Clericum, dubi-
tabat verè, prudenter, vel practi-
cè & culpabiliter. N. Min. non pru-
denter, non-practicè & culpabiliter,
ita ut non habuerit rationem proba-
bilem dubitandi nec agnoverit vel
agnoscere debuerit obligationem in-
quirendi vel credendi C. Min. & N.

Conf. Hic potius procedit regula
contraria, quæ dicit, *ignoranti com-*
paratur dubius. Surd. decis. 265. cit.
n. 17. Ad 9. Autec. non est certum,
quia talis percusso Clerici, qui ge-
rit personam Christi à Judæis male-
habiti, non videtur esse actio exte-
riùs graviter peccaminosa in his cir-
cumstantiis. *N. Conf.* & paritatem,
quia civem nostrum non excuso ex-
inde, quod facydos percussus
non repræsentaverit Clericum exte-
riùs, sed exinde, quod propter ha-
bitum à sacerdote alienissimum pro-
babiliter ignoraverit esse Clericum,
etiam postquam audivit à per-
cusso, se Clericum esse. Ille
autem Judæus, cùm quo instituitur
paritas, probè novit, & putat,
eum, quem prava intentione percu-
tit, esse Clericum.



Hh 3

TITU-